

سنه لکی در سعادت ایچون بحیدیه
یکرمی غروش حسابیله التمش
غروشدر

طشره ایچون بوسته اجمتی اوله رق
اون بش غروش ضم اولتور

نسخه سی ۴۰ پاره در

حکومت عثمانیه

آبونه اولوق ایستینور دائره عدلیه
اداره مخصوصه سنه مراجعت
ایتملیدر

اعلاناتک بهرندن بر بحیدیه اخذ
ایدیلور

نسخه سی ۴۰ پاره در

هفته دهه ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

تبلیغات

الطایه قصبه سنده مسجد عرصه سی اوزرینه
مبنی اولوب هدمیله حال سابقه ارجاعی حقنده
مقدما لاحق اولان حکم شرعی وجهله بش سنه
اول قیومی سد و مأمورین اجرائیه ایله اوقاف
مدیری طرفلرندن تخیم اولنان تبعه یونانیه دن متوفی
علکساندیروس اجزا خانه سنک اخیراً متوفای
مرقومک زوجہ سی یسمنی جانندن خود بخود مهری
فک ایله دروننه دخول ایدلمش اولمسنندن ناشی
اداره تخلیه سنه تشبث اولنسنه قارشو مزبورہ نک
محل مذکور ارنأ چوققلرینک تصرفی آلتندہ
بولندیغندن وعلیہلرندہ برکونہ حکم واعلام موجود
اولمدیغندن بحثله سرد اعتراض وشکایت ایتیمی
اوزرینه کیفیتک انجمن عدلیه جه تدقیق اوله رق
اکاکوره اقتضای قانونیسنک اجراسی حقنده امور
حقوقیه مدیریتندن اعطا قلنان مذکره ایله اوراق
متفرعه سی انجمن مذکور جه لدی التدقیق صورت مصدقه
سی اوراق مذکورہ میانندہ بولنان اعلام شرعی مفادینہ
نظراً ذکر اولنان محکک یوز التمش سهمدن قرق التی
سهمنه شایعاً وارناً تصرف ادعا سنده بولنان متوفی
یورکی دالیدی ورثه سیله اوقاف مدیرینک سبق ایدن
محاکمہ لری نتیجه سنده مذکور اجزاجی دکانک
ذاتاً مسجد شریف عرصه سنه انشا قلندیغنی بالینہ
ثابت اولمقدن ناشی ابنیه سنک هدمیله محل مزبورک
کافی السابق مسجد شریف عرصه سی اولوق اوزره
ابقاسنه حکم شرعی لاحق اولدینگی کی اولبابده کی
حکم اعلامنک فتوا خانه جلیله دن تصدیق قلندیغنی
منفهم اولمش وقونیه ولایتی وکالتنک تحریرات
جوابیه سنده حکایه قلنان دفتر خاقانی قیدی
ایجابجه سالف البیان دکانک یوز اون درت سهمی
متوفای مرقوم علکساندیروس عهده سنده اولمی
وجریان ایدن محاکمہ شرعیه ده دخی یالکز یورکی
ورثه سنک حاضر بولنمی سررشته سیله تشبث اولنان

محاکمات و مقررات

حیدر قریه لی علی اونباشی بی جرح و قتل
ایلدیکی ادعا اولنسنندن دولای جنایتله اتهام اولنان
حسینک اون بش سنه مدتلہ کورکه قونلرینہ دائر
انقره ولایتی استیناف محکمه سی جزا دائره سنندن
ویریلان ۳۱۱ نومرولی اعلام

بالابان قریه لی حلیمی قتل ایلدیکی ادعا اولنسنندن
دولای جنایتله اتهام اولنان مصلحتک اون بش سنه
مدتلہ کورکه قونلرینہ دائر پرشته سنجاغی بدایت
محکمه سی جزا دائره سنندن ویریلان ۷۶ نومرولی
اعلام

محمدی اخناق ایلدکری ادعا اولنسنندن دولای
جنایتله اتهام اولنان عبده وولی وعلی نک اون
بشر سنه مدتلرله کورکه قونلرینہ دائر سرفیچه
سنجاغی بدایت محکمه سی جزا دائره سنندن ویریلان
۱۰۶ نومرولی اعلام

جیل قریه لی کریاقو قزی ماریه نک لیلآ خانه سنه
بالدخول اموال واشیاسنی سرقت وکندوسنی اخناق
ایلدکری ادعا اولنسنندن دولای جنایتله اتهام اولنان
باغچوان لغتر وصالک اون بشر سنه مدتلرله کورکه
قونلرینہ دائر نیکده سنجاغی بدایت محکمه سی جزا
دائره سنندن ویریلان ۴۹۳ نومرولی اعلام

بلقره جه ویران قریه لی حاجی مصطفانک خانه سی
دیواری دلهرک اشیاسنی سرقت ایلدکری ادعا
اولنسنندن دولای جنایتله اتهام اولنان مصطفی
وحسینک دردر سنه مدتلرله کورکه قونلرینہ و مال
مسروقی بیلهرک الدینی ادعا اولنسنندن دولای جنحه
ایله لزوم محاکمه سنه قرار ویریلان حسنک ایکی ماه
حبسنه دائر قره حصار صاحب سنجاغی بدایت
محکمه سی جزا دائره سنندن ویریلان ۱۱۲ نومرولی
اعلام

مصطفائی مجاقله جرح و قتل ایلدیکی ادعا اولنسنندن
دولای جنایتله اتهام اولنان احمدک اون بش سنه مدتلہ
کورکه قونلرینہ دائر ادرنه ولایتی استیناف محکمه سی
جزا دائره سنندن ویریلان ۵۲ نومرولی اعلام

تخلیه معامله سنه علکساندیروس زوجہ سی مزبورہ
یسمنی قادین طرفندن تصرف ادعاسی درمیانیله
وکنندولری حقنده برکونہ حکم واعلام موجود
اولمدیغنی بیانیله اعتراض ایدلمکده بولنش اولوب
انجق مذکور دکانک دفتر خاقانی قیدینہ استناداً قرق
التی سهمنه متصرف اولدقلری یولنده اقامه دعوی
ایدن متوفی یورکی ورثه سنه قارشو عند المحاکمہ
حاضر بولنان اوقاف مدیرینک بوباده حق خصوصتی
حائر اولمسنندن ناشی محکمه شرعیه جه طرفین
متخاصمینک علی الاصول امر محاکمہ لرینک اجراسیله
برمنوال محرر حکم واعلام اعطا قلنمش و بوبله
خصم شرعی حضوریه لاحق اولان ووقف لهنده
بولنان اعلاماتک محاکمده حاضر بولنمان وبالاخره
تصرف ادعا سنده بولنجهق اولان اشخاصه دخی
سرایت حکمی اصول مشروعه ایجابندن بولنش
اولسننه مبنی مزبورہ یسمنی قادینه هنوز تبلیغ
اولمدیغنی صورت اشعاردن منفهم اولان اعلام
شرعی مذکورک کندوسنه تبلیغیله بالاعتراض
مرجعنه مراجعت وتأخیر اجراسی حکمنی متضمن
ورقه رسمیه ابرازیه تعلیمات مخصوصه سنه توفیق
حرکت ایتدیگی تقدیرده حکم اعلامک تنفیذی
وصور مسروده وجهله تشبثات لازمه ده بولندیغنی
حاله نتیجه سنه انتظاراً تخلیه معامله سنک
تأخیری ایجاب ایده جکی مثللو مزبورہ نک اعتراضات
واقعه سی قبول ایدلمش وحق قزانمش اولسه بیلہ
حکم شرعیه مستنداً مذکور دکانه وضع اولنان
مهر رسمی بی خود بخود فک ایتک کی وقوعبولان
حرکات تجاوز کارانه سنندن طولای حقنده حقوق
عمومیه نامنه تعقیبات ومعاملات قانونیه اجراسی
مقتضی اولمسیله بوجهتک دخی نظر دفته الهرق
اصولی دائره سنده اقتضای قانونیسنک ایفاسی
خصوصاتنک جواباً محکمه تبلیغی انجمن مذکوردن
اقاده اولنشددر .

جدید قریه لی کورجی ثانی قتل ایلدیکی ادا اولنمندن دولای جنایتله اتهام اولنان قوبلی سلمانک اون بش سنه مدته کورکه قولنسنه و دیگر سلیمان ایله کرد شقونک براتلرینه دأر خداوندکار ولایتی استیناف محکمه سی جزا دأره سنندن ویریلان ۱۲ نومرولی اعلام

باغچه جک قریه لی سیدی نی قتل ایلدیکی ادا اولنمندن دولای جنایتله اتهام اولنان عثمانک اون بش سنه مدته کورکه قولنسنه دأر کوتاهیہ سنجانی بدایت محکمه سی جزا دأره سنندن ویریلان ۱۱۵۷ نومرولی اعلام

قهوجی سلانیکلی احمد اغانی قتل ایلدیکی ادا اولنمندن دولای جنایتله اتهام اولنان نظیفک اون بش سنه مدته کورکه قولنسنه دأر درسعات جنایت محکمه سنندن ویریلان ۶۴ نومرولی اعلام

میخالی قتل ایلدیکی ادا اولنمندن دولای جنایتله اتهام اولنان یورکینک اون بش سنه مدته کورکه قولنسنه دأر خداوندکار ولایتی استیناف محکمه سی جزا دأره سنندن ویریلان ۳۳ نومرولی اعلام

حاجی مصلیح قریه لی محمدی قتل ایلدیکی ادا اولنمندن دولای جنایتله اتهام اولنان احمدک بش سنه مدته کورکه قولنسنه دأر انقره ولایتی استیناف محکمه سی جزا دأره سنندن ویریلان ۳۳۹ نومرولی اعلام

مراتضاق قریه لی رجه قتل قصدیه تشهر سلاح ایلدیکی ادا اولنمندن دولای جنایتله اتهام اولنان عثمانک اوج سنه مدته کورکه قولنسنه دأر برات سنجانی بدایت محکمه سی جزا دأره سنندن ویریلان ۲۵ نومرولی اعلام محکمه تمین جزا دأره سنجه تصدیق قلمشدر .

۳۲۵ نومرولی نسخده مندرج درسعات

جنایت محکمه سی اعلامنک بقیه سی :

پایس کورینسنه مقیمه قفسجی بورکنک زوجہ سی اوتوز بش یاشنده مانیو بنت نیقولی خسته بولان زوجہ روم المی اوزره میخانه کیدرایکن میخانه دن بربلغار چوجنی وارقه سنندن طلومہ جی اوج شخص چقه درق طلومہ جیلر بلغار چوجنی ضرب ایشدکارنی وطلومہ جیلردن بریسی برشی آنرق تحتہ پردیہ صالاندیغنی وبلغار جان قورتاران یوقی دیوفریاد ایشدیکنی سوبلدی .

قاسم پاشاده مقیمه واپور عمله سنندن انسطاشک زوجہ سی الی یاشنده لونورا بنت انسطاش مانیو

قادینک افاده سی وجهله وقعتی حکایه ومنسازعه ایدنلری طانیددیغنی واورالرده قادین کورمدیکنی علاوه ایلدی .

مدافعه شهوندن پایس کورینسنه مقیم انسطاشک خسته اولدینی جلبنامہ سی زبرنده محرر شرحدن اکلاشلش ومدافعه وکیل دخی شاهد انسطاشک جلب واستاعی طلبندن فراغت ایشدکارنی بیان ایتش و معاون موسی الپده متهم کندی شاهدلردن فراغت ایدہ بیله جکنی افاده ایتش اولمغه لدی المذاکره طرفین اقامه ایشدکارنی شاهدلردن فراغت ایتک حقی حائر اولدقارینه قرار ویریلرک بالتفهیم واقع اولان استیضاح اوزرینہ طرفین توسیع تحقیقاته متعلق برطلباری اولمدیغنی سوبلرله تحقیقانک بوندن عبارت ایدوکی بیان اولدقده معاون موسی الپه متهم غوطه نك اونیک ولد ماردیروسی بالتهور جرح و قتل و دیگر اونیک دخی قتل قصدیه اولیہ درق جرح ایشدیکنی اخبارات ومعاينه راپوری مندرجاتی وامارات ومقتولک جارحنی تمین ایتشی ایله ثابت اولدیفندن مرقوم غوطه نك بالتهور قاتل اولمق اوزره مجرمیتہ قرار ویرلسنی طلب ودعوی ایلدی .

مدافعه وکیل واسیلایک افندی دخی مقتول ومجروح اونیکلرک طلومہ جی ودانما سلاح طاشیر آدمیر اولسی وبوبایدکی شهاداتی تأمین وجدان ایدہ میجسکی کئی اثنای عربده ده فعل جرحک مقتولک رفقاسی طرفندن ایقاعی ومقتولک رفقاسی محافظه جرحی موکله اسنادی احتمالاتی ده موجود ایدوکی ومدافعه شهودی طرفندن موکلتک اوج درت کشی طرفندن ضرب ایلدیکی خبر ویرلمکده اولدیفندن اگر جرح موکلی طرفندن ایقاع ایدلش ایسه محافظه نفسی بولنده اولدینی درکار بولندیغنی بیان ایله موکلتک برائنه وبوجهت قابل اولمدیغنی حالده محافظه نفس بولنده قاتل اولدیفنه قرار اعطاسنی طلب ودرمیان ولدی السؤل مجروح اونیک ومتهم غوطه بر دیه جکلی اولمدیغنی افاده واتیان ایتلرله محاکمه نك ختام بولدیغنی افهام اولمهرق مذاکره اوپه سنه کیدلدی .

بروجه مشروح طرفینک ادعا ومدافعه لری استماع واوراق تحقیقه مطالعه وتدقیق اولدقندن صکره ایجاب کیفیت لدی المذاکره متهم غوطه هرنه قدر انکار تهمت وکیل طرفندن دخی بروجه محرر مدافعه یه مبادرت اولدقده ایسده مقتول اونیکک بطننک صول جهت اسفل اوزرندن وصاغ بازوسندن جرح ایدیلرک بطننده کی جرحه دن متأثراً وفات ایشدیکنی ومجروح اونیکک دخی صماغ قوی بیلک مفصلندن جرح اولندینی طیب راپوریه متحقق اولوب فاعلی

حقندنکی اسباب نبوتیه کنجه استماع اولنان شاهدہ لردن ساقزلی میخال مقتول اونیکک امان اورلدیم دیو واقع اولان فریادی اوزرینہ باقدیفنده متهم غوطه نك مقتوله صارلش اولدیغنی و دیگر اونیکک دخی بیلکندن اورلش ایدوکی کوردیکنی وبولیس چاوشی علی افندی ایله ژاندارمه اونباشی مصطفی اغاده وقعه کیجہ سی بر فریاد ایشتملرله باقدقزلنده مقتول ومجروح اونیکر ایله متهم غوطه نك اوراده طورمقده اولدقاریغی کوردکارنی ومقتولک یغی غوطه اوردی دیدیکنی واوراده بولنالردن بریسی غوطه نك یجاغی تحتہ پردیہ آندیفنی سوبلی اوزرینہ لدی .

التحری تحتہ صابلی وقائی بریضاغک تحتہ پردیہ صابلاشلش وقینک دخی تحتہ پردنک دیدنده پردہ طورمقده بولنش اولدیغنی کورده نك یجاغی آلدیغنی مع القسم اخبار ایتلرینہ وقعه کیجہ سی مقتول ومجروح اونیکر ایله متهم غوطه نك دیمتریک میخانه سنده یکدیگرینہ صاریلرک منازعه ایشدکارنی شاهد میخال وژاندارمه اونباشی مصطفی اغاوبولنه مدینی جهته افاده سی اوقوتدیریلان دیمتریک اخباراتندن آکلاشلسنه ومتهم غوطه نك وقعه کیجہ سی مجروح ومقتول اونیکر ایله منازعه ایشدیکنی اعتراف ایتسنه ومقتول اونیکک ولد ماردیروس دخی جارحنی غوطه اولدیغنی سولسنه ومدافعاته نقل کلام اولدقده استماع اولنان مدافعه شهودی برقاچ شخصک منازعه ایتدہ کارنی سوبلور ایسہ لردہ منازعلرک متهم غوطه ایله مجروح ومقتول اونیکر اولدقاریغی تعین ایدہ ماملری جهته بو اخباراتدن برتیجه استحصال اوله مامسنه وشاهدلردن میخالک مقتول ومجروح رفقا سنندن اولسی شهادتی حکم وقوتدن اسقاط ایدہ میجکته وفعل جرحک آخر بر شخص طرفندن ایقاع ایدلرکته دأر برکونه احواله تصادف ایدیله مامسنه ومقتول ومجروح اونیکرکده سلاح اولمدیغنی ادعا شهودینک افادایله تحقق ایتسندن ثانی مدافعه ومقابله سوزیده وارد اوله مامسنه مبنی متهمک انکار و تأویلاتی ووکیلک مدافعاتی غیرمقبول ومتهم غوطه ولد نومک اوجوز اون الی ستمی شباطنک اون طقوزنجی بازار کیجہ سی بلک اوغلنده امین جامع شریفی جوارنده صابنجی میدانده دیمتریک میخانه سی اوکنده وقوعولان منازعه اثناسننده اونیکک ولد ماردیروسی یجاغله قتل واعدام و دیگر اونیکک ولد اغونی دخی جرح وایلام ایشدیکنی بالاده سرد وتعداد اولنان اسباب کافیه ودلائل وقاعت وجدانیه ایله ساحه ثبوتہ موصول اولمغه مرقوم غوطه ولد نومک اونیکک ولد اغونی جرح و دیگر اونیکک ولد ماردیروسی بالتهور قتلک فملرینک فاعل ومرکتکی اولمق اوزره مجرمیتہ متفقاً قرار

ویریلرک محاکمه اوپه سنه عودتله قرار مذکور علناً قرائت وقفهیم اولندقده معاون موسی الپه مجرمیتہ قرار ویریلان غوطه نك قانون جزانک یوز تیش دردنجی ماده سنک فقره اولاسی حکمنه توقفا تمین جزائی طلب وادعا ومجروح اونیکک ایله مدافعه وکیل ومجرح غوطه دخی بر دیه جکلی اولمدیغنی بیان وانبایتلرله بوجهت حقندنکی محاکمه نك دخی ختام بولدیغنی قهیم اولمهرق مذاکره اوپه سنه کیدلدی .

جهت جزائی حقندنکی مذاکره کیفیت اولدقده مجرمیتہ قرار ویریلان غوطه ولد نومک اعظم جرمی اولان قتل فلندن طلولای حرکتی قانون جزانک یوز تیش دردنجی ماده سنک فقره اولاسی موافق اولدیغنه وفقره مذکورده دخی [برکیمسه من غیر نعمد بر شخصی اتلاف ایتش ایسه اون بش سنه مدته کورکه وضع اولنور] دیو محرر بولندیفنه مبنی بوققره حکمنه توقفاً وابتدای توقیفی اولان اوجوز اون سکر سنه سی ذی القعدس سنک اون دردنجی کوندن اعتباراً مرقوم غوطه نك اون بش سنه مدته کورکه قولنسنه واعلام وضبط واستنطاق خرجاری اولان جماعاً یوز اوتوز غروشک مرقومدن تحصیلیه عدلیه وزنه سنه تسلیم ایشدیرلسنه اوجوز اون یدی سنه سی تموزینک اوتوز برنجی کونی متفقاً قرار ویریلرک اصول قهیمی ایفا قلندی .

عسا کرشاهانه اونباشیلردن حاجی محمدہ اجرای مأمو ریت حالنده تحقیق آمین معامله ده بولندیفنی ثابت اولان شاقه جی ماردیکنن ایکی التون جزای نقدی اخذینہ

مادام ماری نی اموال منقولہ سنه ابراث خسارله برابر ضرب ایشدیکنی ثابت اولان یاشدن ایکی لیرا التوب مضروبہ اعطاسنه

استغفویہ تشهر سلاح ایلدیکی ثابت اولان قوندریجی دیمتریک برهفته حبسنه

اداره مخصوصه ده مستخدم مصطفیای ضرب ایشدیکنی ثابت اولان جمال بشیرک برهفته حبسنه

حسنک ایکی عدد جامنی قیردینی ثابت اولان یلکنجی رمزیدن اون بشلک جزای نقدی اخذیلہ

برابر جام بدلی اولمق اوزره یکرمی غروشک بالتحصیل حسنہ اعطاسنه

سرمریلکی ضبط ورقہ سی ایله ثابت اولان لئونک برما حبسیله ضابطه جه نسیم اوله جق محله طرد وتبعیدینہ

حمدی افندی نی درت آی ایشندن تعطیل ایدر صورتده آلت جارحه ایله جرح ایلدیکی ثابت اولان انسطاشک الی ماه حبسنه وبومیه یکرمیش غروش

حسابیلہ مجروحک بومیسی اولان ایکی بیک درتیوز غروشله اجرت جارحه اولان بیک ایکیوز غروشک بالتحصیل مدعی مرقومه اعطاسنه

پولیس عزت افندی یه اجرای مأمو ریت حالنده حقارت ایشدیکنی ثابت اولان طلومہ رئیس مصطفادن ایکی لیرا جزای نقدی اخذینہ

قهوجی محمد اطالہ لسان ایلدیکی ثابت اولان طلومہ رئیس زنجی حسیندن برلیرا جزای نقدی اخذینہ

انترنی ضرب ایشدیکنی ثابت اولان باغچیان هاشمدن برالتون التوب مضروبہ اعطاسنه

دسینانی ضرب ایشدیکنی ثابت اولان واسیلکیدن ایکی التون الترق مضروبہ اعطاسنه

فضلی ضرب ایلدیکی ثابت اولان خالددن ایکی التون التوب مضروبہ اعطاسنه

اورامی ضرب ایشدیکنی ثابت اولان داویددن برلیرا التوب مضروبہ اعطاسنه

الینی ضرب ایشدیکنی ثابت اولان نازک قادیندن برالتون التوب مضروبہ اعطاسنه

موسی چاوشه اطالہ لسان ایشدیکنی ثابت اولان حسندن برالتون جزای نقدی اخذینہ

عبدالواحدی قره غولخانه ده ضرب ایشدیکنی ثابت اولان پولیس عمر افندیسنک یکرمی کون حبسنه درسعات ، بک اوغل واسکدار بدایت محکمه لری جزا دأره لرجه قرار ویرلشدر .

الاعانات

نجات مجرمه محکمه سنده :

باغچه قپوسنده امین اوکنده سبز و انجیلر زقاغنده بقایه تجارتیلہ مشغول لوله جی زاده امین افندیکن مذکور مغازه دروننده موجود اشیا سی افلاسی حبسیله ماسه وکیللری طرفندن بالمزایده صاتیله جفندن اشیا مذکورده نك اشتراسنه طالب اولانلرک اشبو تشرین ثانیکن یکرمی طقوزنجی بازار یرتسی کونی ساعت درت راده لرنده محل مذکورہ کلری اعلان اولنور .

بشکطاشده اسکله باشنده ومحمود پاشاده ۱۹۳ نومرولی مغازه لردہ مقیم حاضر البسه جی قلوبا استاماتیاه دینک ۲۴ تشرین ثانی سنه ۳۲۰ تاریخندن اعتباراً اعلان افلاسنه ومصالخ افلاسنه نك رؤیت وتسویہ سی ضمننده اعضای محکمه دن عزتلو مارقار افندیکن ژوژاقومیسر ودعوی وکیللردن پانده لاک قوزمیدی ایله نسیم

ماسلیاه اقدیلرک موقت سندیک تعینلرینہ ومغازه لریله خانه سنده کی اشیا ی زائده بیتیه سنک تمیرینہ واوراق ودفاترینک جلبنه وكفالت ارانہ ایدہ مدیکنی تقدیرده حبس وتوقیفه وبو باده کی قرارک موقه اجراسنه تجارت بحریه محکمه سنندن قرار ویرلش اولدیفندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره [۹ کانون اول سنه ۳۲۰] بخشبنه کونی ساعت ۷ راده لرنده اصحاب مطلوبک محکمه مذکورده نك مصالح افلاسیه رؤیتہ مخصوص اوپه سنه کلری لزومی اعلان اولنور .

ایکنجی نجات محکمه سنده :

غاطه ده مرتبانی زقاغنده بش نومرولی خانه ساکن علیکساندر افندی برام اوغلنک استانبولده شریذ خائنده اوپه سنده ساکن ایکن الیوم اقامتکاهی مجهول اجزا تجارندن آرین کریشیان علینہ اقامه ایلدیکی مطلوبات دعواسی اوزرینہ یوز طقسان درت فراق التیش یدی ساتیمک مع قاض ومصارف محاکمه تحصیل حکمنی متضمن درسعات ایکنجی تجارت محکمه سنندن استحصال ایلدیکی ۲۹ تموزسنه ۳۲۰ تاریخ و ۱۴۱ نومرولواعلام غیاپنک صورت مصدقه سی محکوم علیه مرقومک اقامتکاهی مجهول اولدینی جهته اصول محاکمه حقوقیه قانوننک ۱۴۹ نجی ماده سنک فقره اخیره سی موجبجه تبلیغ ایدلش عد اولمق اوزره محکمه نك دیوانخانه سنه تعلق اولندینی کئی اوراق حوادث واسطه سیله دخی اعلانسنه ابشار قلندی .

جده نجات محکمه سنده :

جده رؤی تباکو اداره سی وکیل موسیو لیقوس ماینویل طرفندن مدینه منوره ده مقیم دولت علیه تبعه سنندن دراملی حافظ احمد افندی ابن توفیق وکفیلی پنه تبعه دولت علیه دن ومدینه منوره سکنه سندن عزتلو سعید الخرج بن ممش الحیدری افندی علیلرینہ اقامه ایلدیکی ایکیوز اوتوز یدی عددلیرای عثمانی ایله اوتوز غروش الهجق دعواسی اوزرینہ لازم کلان جلب ورقه لری مدینه منوره محافظلی واسطه سیله موسی الپه مایه لدی التبلیغ یوم معینده حاضر بولندقاری کئی وکیل دخی ارسال ایلدیکلردن مدعی وکیلک طلبنه بناء عن الغیاب رؤیت دعوا یه قرار ویریلرک کفالت سندیک مقید بولنسنه نظراً مبلغ مدعا بیدن یوز یکرمی طقوز لیرای عثمانی و اوتوز غروشک بالکر اصل اولان موسی الپه دراملی حافظ احمد افندیکن و یوز سکر لیرانک اصل وکفیلدن

معاً تحصیلہ حکم اولنش و اعلامری بالتظیم مدینہ منورہ لاجل التبلیغ ارسال قلمشیدی مدینہ منورہ محافظلغندن النان جوابده کفیل عزتو سعدا لخرج افندی به معاملہ تبلیغہ اجرا اولنش و لازمکلا علم و خبری لفا ارسال ایدلش ایسده اصیل احمد افندیکن بوراده ذاتاً اقامتی موقت اولوب درسعادته کینمش اولدینی بیان ایدلش و کیفیت مدعی جانبہ افہام ایدلشیدی بوکرہ جدہ تنباکو رژی اداره سنک ۱۵ تشرین اول سنہ ۳۲۰ تاریخ و سکسان الی نومرولی تحریراتندہ استانبولجہ ایجاب ایدن تحریر و تفتیشات اجرا ایدلشکی حالده مومی الہک محل اقامتی بولنه مدیغندن بخلہ حکم قانونک اجرا سی طلب اولندیغندن شوصورتلرلہ محل اقامتی مجهول اولان مومی الیہ درامہ لی حافظ احمد افندی به حکم واقع تبلیغ ایدلش عد اولنقی اوزرہ اصول محاکمات حقوقیہ قانونک یوز قرق طقوزنجی مادہ سنک فقرہ اخیرہ سی حکمنہ توفیقاً اوراق حوادثلہ اعلانشہ ابتدار قلندی .

مغنیسا سنجائی تجارت محکمه سنده :

مغنیسادہ مقیم تجاردن چوینچی اوغلی حاجی انستاشک ۳۳ ایلول سنہ ۳۲۰ تاریخندن اعتباراً موقتاً اعلان افلاسنہ و مصالح افلاسیہ نک رؤیت و تسویہ سی ضمنتندہ محکمه باش کابی حامد افندیکن ژوز قومیسر و تجاردن دیمتری زاقہ و دامادی استلیو و دعوی و کیلرندن آغوب اوخانیسیان افندیلرک موقت سندیک تعینلرینہ و مغازہ سیلہ اموال و اشیا زائدہ بیتہ سنک تمہیرینہ و محافظہ آلتہ النسنہ و اوراق و دفاترینک جلبنہ و کفالت معتبرہ ارانہ ایدہ مدیکی حالده حبس و توقیفہ و بویابده کی قرارک موقتاً اجراسنہ مغنیسا تجارت محکمه سنندن قرار ویرلش اولدیغندن قانوننامہ تجارتک ۱۷۰ نجی مادہ سی موجبجہ دائمی سندیکلر انتخاب اولنقی اوزرہ اوچیوز یکرمی سنہ سی تشرین ناینک اون بشنجی بازار ایرتسی کونی ساعت سکز راده لرندہ اصحاب مطلوبک محکمه مذکورہ یه کللری اعلان اولنور .

محکمه تجارت اجراء داره سنده :

یانی ولد نیقولی بچالی یه اولان دینندن طولایی قصاب طناش ولد اندون خربالی نک قینالی اطہ سنده موجود و محجوز بولنان اوتوز بش رأس قیونلرینک فروختی قرار آلتہ النش اولمغله بر موجب قرار مذکور قیونلر کانون اول رومینک یدنجی صالی کونی ساعت التیدن سکزه قدر بیوک اطہده چارشو ایجروسندہ مأموری مواجہہ سنندہ بالمزایدہ فروخت

ایدیلہ جکندن اشتراسنہ طالب اولانلرک یوم و وقت مزبورده محل مذکورده حاضر بولنلری محکمه تجارت اجرا دائرہ سنندن اعلان اولنور .

بک اوغلی بدایت محکمه سی اجراء داره سنده :

لیلا خانمک حسین حسنی افندی ذمتندہ بک اوغلی بدایت محکمه سی ایکنجی حقوق دائرہ سی اعلامیلہ محکوم به الہ جنی اولان معلوم المقدار مبالغک تأمین استیفاسی ضمنتندہ مدیون مومی الہک میرکون قریہ سنندہ موقتخانه جاده سنندہ یکرمی سکز نومرولی بر باب دکاندہ متصرف اولدینی نصف حصہ شایعہ سی حجز آلتہ النهرق لدی المزایدہ اوچییک غروش التون ایقہ بدل ایلہ داینہ مزبورہ عہدہ سنندہ تقرر ایتمش اولمغله تاریخ اعلاندن اعتباراً اوتوز برکون ظرفندہ یوزدہ بش ضمیله طالب اولانلرک و بوندن زیادہ معلومات الملق ایستیانلرک یوزدہ اون نسبتندہ پی دیوزیتو ایقہ لرینی مستصحباً بک اوغلی بدایت محکمه سی اجرا دائرہ سنہ و اوتوز برنجی کونی یعنی شهر کانون اولک یکرمی اوچنجی صالی کونی ساعت الی قرارلرندہ مذکور دکان پیشکاهندہ مأموری مواجہہ سنندہ حاضر بولنلری بک اوغلی بدایت محکمه سی اجرا دائرہ سنندن اعلان اولنور .

اسکدار بدایت محکمه سی اجراء داره سنده :

نوری بکک حسن خلوصی بک ذمتندہ با اعلام مع مصارف محاکمہ آلاجنی بولنان مبالغک تأمین استیفاسی ضمنتندہ حجز آلتہ النان مدیون مومی الہک بشکطاشدہ سان پاشای عتیق محله سنندہ چیقماز حاجی زقاغندہ بر طرفی چیقماز صالح افندی زقاغی و دیگر طرفی چیقماز حاجی زقاغی و دیگر طرفی مدیون خلوصی بکک خانہ و باغچہ لریلہ محدود آلتندہ بر مطبخ و بر آبدستخانه و مشترک بر قیوی و اوستندہ ایکی اوطہ پی حاوی بر نومرولی خانہ سنک تاریخ اعلاندن اعتباراً اون بش کون صکرہ بالمزایدہ فروخته مبادرت اولنہ جنی اسکدار بدایت محکمه سی اجرا دائرہ سنندن اعلان اولنور .

قرتال قضاسی بدایت محکمه سی اجراء داره سنده

قرتال قضاسی ساکنلرندن اتمکچی استاوری ولد خرسنونک قصبہ مذکورده ساکن متوفی یورکی یووانیدینک وارثی لیونجی فوطی علیہندہ قرتال بدایت محکمه سنندن استحصا ایتمش اولدینی برقطعه اعلام موجبجہ مطلوبی اولان مبالغ محکوم بہک تأمین استیفاسی ضمنتندہ مدیون متوفای مرقومک

استیفانی ولد یانی ایسہاریدن شراء متصرف اولوب ترکہ سنندن معدود و محجوز بولنان اطہ کیوردہ بیوک اطہ جاده سنندہ پانچو نام دیکری باغچہ اسکله سنندہ کائن اطراف اربعہ سی شریجی الیقو منزل و باغچہ سی و بالقیجی اسپرو باغچہ سی و بالقیجی دیمترکی منزلی و پروانہ میقو باغچہ سی و منباط اوغلنک خراب منزلی و زونچہ ولوچیقه منزللری و دیگر منباط اوغلی طو - دورینک بقال دکانی و طریق خاص و ساحل بحر ایلہ محدود طقوز یوز ذراع ریختم اوزرندہ مبنی بش نومرولی بر باب کوشک مع عرصہ ایلہ سکز نومرولی الی بیک التیوز ذراع باغچہ عرصہ سنندہ کی اون بر سہم اعتباریلہ ایکی سہم حصہ شایعہ لرلی بوندن اقدام بالمزایدہ لیرای عثمانی یوز غروش حسابیلہ طقوز بیک یوز غروش دہ میشل یورکیادی اوزرندہ تقرر ایدرک احالہ قطعہ سی اجرا قلمش اولدینی حالده بودفعہ مومی الہک اشتراذن نکول ایلسنہ مبنی اموال غیر منقولہ نک فروختی حقندہ کی نظامنامہ نک اوچنجی مادہ سی موجبجہ ایلرودہ ظہور ایدہ جک بالجلہ ضرر و دعوا مصارفی مومی الیہہ عائد اولمق اوزرہ مع کوشک مذکور عرصہ لرک اون بر سہم اعتباریلہ ایکی سہم حصہ شایعہ لرینک یکیدن مزایدہ یه وضع و فروختی تقرر ایلش اولدیغندن طالب اولوب پی سورمک و یاخود دها زیادہ معلومات آلق ایستیانلرک یوزدہ اون نسبتندہ پی ایقہ لرینی مستصحباً قرتال بدایت محکمه سی اجرا دائرہ سنہ مراجعت ایللری اعلان اولنور .

اذمید بدایت محکمه سی اجراء داره سنده :

اذمیدک خانلر ایچندہ بقال میچونک ارساللرک قریہ سنندن قصاب طومہ ذمتندہ با اعلام محکوم به الہ جنی اولان مبالغ معلومہ نک تأمین استیفاسی ضمنتندہ داینک طلیسلہ مدیون مرقومک متصرف اولوب حجز آلتہ النان اقارجه نام محلدہ معلوم الحدود برقطعه ترلانک ثلثان حصہ سی لدی المزایدہ سکزیوز یکرمی بش و کذا قریہ مرقومده واقع معلوم الحدود برقطعه دوت باغچہ سی یدییوز الی و کذا قریہ مرقومده برقطعه دوت باغچہ سی درتیوز الی غروشدہ داین اوزرندہ تقرر ایتمش و موقت قراردادہ سی کشیدہ قلمش اولدیغندن یوزدہ بش ضمیله طالب اولانلرک اوتوز برکون ظرفندہ مراجعت ایللری اذمید سنجائی اجرا مأمورلغندن صوک دفعہ اعلان اولنور .